



Republika e Kosovës
Republika Kosova – Republic of Kosovo
ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY



Organi Shqyrtues i Prokurimit (OSHP) – Rruga Migjeni (ish Banka e LjUBLANËS), Kati V-të, Prishtinë, Kosovë
Tel: 383 38 312 309 email: oshp@rks-gov.net

RAPORTI I EKSPERTIT SHQYRTUES

Eksperti Shqyrtues	Data e pranimit të ekspertit	Date e dorëzimit të raportit	Nr. i lëndës
Majlinda Bedrolli	27.03.2026	02.04.2026	2026/0178

BAZA LIGJORE E SHQYRTIMIT

Me datën: 23.03.2026, OE “NBT -ING” SH.P.K.”- Suharekë, ka parashtruar ankesë me nr: 2026/0178, kundër njoftimit për dhënie të kontratës ku është rekomanduar për kontratë GOE “N.T Fer-Petroll -MBB Construction” SH.P.K, lidhur me aktivitetin e prokurimit: “NDERTIMI DHE RENOVIMI I STACIONIT POLICOR RAHOVEC” me nr. të prokurimit: "214-25-6778-5-1-1", iniciuar nga Autoriteti Kontraktues (AK) – POLICIA E KOSOVËS. Autoriteti kontraktues ka zbatuar procedurë të hapur, lloji i kontratës: punë, vlera e parashikuar e kontratës: 664,033.85 €. Nëse është e përsëritur ankesa, të shënohet se lidhur me këtë lëndë është nxjerr një vendim i mëparshëm i OSHP - së, më Nr. 2025/1200 i dt: 16.02.2026. Konform nenit 113, 114 të Ligjit Nr. 04 / L - 042, i plotësuar dhe ndryshuar me Ligjin 04 / L - 237, Ligjin 05 / L - 068, dhe Ligjin 05 / L - 092, Eksperti Shqyrtues i ka shqyrtuar pretendimet ankimore të OE ankues.

DISPOZITAT E SHKELURA DHE PRETENDIMET ANKIMORE

--

7. Dispozitat e shkelura nga Autoriteti Kontraktues

Specifikoni dispozitën ose dispozitat e LPP-së që supozohet të jenë shkelur nga Autoriteti Kontraktues që nga momenti i publikimit të Njoftimit për Kontratë/Konkurs të Projektimit, dhe nëse aplikohet gjerë në përmbylljen e këtij aktiviteti të prokurimit me publikimin e Njoftimit për Dhënien e Kontratës apo Njoftimit për Rezultatet e Konkursit të Projektimit apo Njoftimit për Anulim.

Neni 1 i LPP-së

Neni 6 i LPP-së

Neni 7 i LPP-së

Neni 59 i LPP-së

Neni 60 i LPP-së

Neni 61 i LPP-së

Neni 64 i LPP-së

Neni 66 i LPP-së

Neni 69 i LPP-së

Neni 72 i LPP-së

Neni 25 i Rregullores nr.001/2022 për Prokurim Publik

Neni 40, 41, 60, 64, i Rregullores nr.001/2022 për Prokurim Publik

Neni 10 i Udhëzuesit Nr.001/2023 për Prokurim Publik (me ndryshimet e 002/2024)

8. Deklaratë detale mbi faktet dhe argumentet

Përshkruani rrethanat faktike që përbëjnë supozimin për shkeljen e dispozitave të LPP-së. Ofroni deklaratë të qartë dhe të detajuar për faktet dhe argumentet të cilat mbështesin secilën bazë të ankesës tuaj.

Ne, **Grupi i Operatorëve Ekonomikë NBT-ING SH.P.K. & AGIM TROLLI B.I.**, kemi pranuar **Njoftimin mbi Vendimin e Autoritetit Kontraktues (Formulari B58)** të datës **05.03.2026**, të nxjerrë nga **Policia e Kosovës**, lidhur me aktivitetin e prokurimit "**Ndërtimi dhe Renovimi i Stacionit Policor Rahovec – Rivlerësim**", me nr. të prokurimit **214-25-6778-5-1-1**.

Si Operator Ekonomik pjesëmarrës në këtë procedurë të prokurimit, konsiderojmë se vendimi i Autoritetit Kontraktues për **shpërblimin me kontratë të Grupit të Operatorëve Ekonomikë N.T. "Fer-Petroll"; MBB Construction SH.P.K.**, si dhe eliminimin e ofertës sonë nga procedura e vlerësimit, është marrë në kundërshtim me dispozitat e **Ligjit për Prokurimin Publik të Republikës së Kosovës**, dokumentet e dosjes së tenderit dhe parimet themelore të trajtimit të barabartë dhe transparencës në procedurat e prokurimit publik.

Vlen të theksohet se kjo procedurë është kthyer në **rivlerësim me vendim të Organit Shqyrtues të Prokurimit (OSHP)**, me ç'rast Autoriteti Kontraktues ka qenë i obliguar që të bëjë një **rivlerësim të plotë, objektiv dhe në përputhje me arsyetimin e vendimit të OSHP**, duke respektuar kërkesat e dosjes së tenderit dhe dispozitat përkatëse të LPP-së. Megjithatë, nga analiza e vendimit të fundit të Autoritetit Kontraktues rezulton se rivlerësimi nuk është kryer në mënyrë të drejtë dhe të plotë, pasi që oferta jonë është eliminuar mbi bazën e një interpretimi të gabuar të procedurës së vazhdimit të validitetit të ofertës, ndërsa njëkohësisht është rekomanduar për kontratë një operator ekonomik i cili **nuk përmbush në mënyrë të plotë kërkesat e përcaktuara në Dosjen e Tenderit**, veçanërisht në lidhje me përmbushjen e kriterëve për përvojë të ngjashme dhe dëshmimin e kapaciteteve teknike dhe profesionale.

Në këto rrethana, konsiderojmë se vendimi i Autoritetit Kontraktues është rezultat i një **interpretimi të gabuar të kërkesave të dosjes së tenderit dhe i një vlerësimi jo të plotë të ofertave**, gjë që bie ndesh me dispozitat e **Ligjit për Prokurimin Publik**, në veçanti me parimet e trajtimit të barabartë, transparencës dhe vlerësimit të drejtë të ofertave. Për këto arsye, përmes kësaj kërkesë për rishqyrtim kërkojmë që **Autoriteti Kontraktues të rishqyrtojë vendimin e marrë, të anulojë vendimin për shpërblim me kontratë dhe të bëjë një rivlerësim të drejtë dhe të plotë të ofertave në përputhje me Ligjin për Prokurimin Publik dhe dokumentet e tenderit.**

1.Argumenti i AK për eliminimin e ofertës tonë:

B42 - Letër standarde për tenderuesin e eliminuar ⁴

05.03.2026, Prishtinë

POLICIA E KOSOVES, Rr "Luan Haradinaj"- nr. 99 ndërtesa e re e Administratës te Policisë, kati II, zyra e Prokurimit nr. 33, Prishtinë, Kosovë

Operatori Ekonomik NBT-ING SH.P.K.; Agim Trolli B.I.

Nr. i Prokurimit:	214-25-6778-5-1-1
Nr i brendshëm	214/25/092/511

Titulli: NDERTIMI DHE RENOVIMI I STACIONIT POLICOR RAHOVEC RIVLERESIM

I/e nderuar(a)

Faleminderit që morët pjesë në procedurën e lartshënuar të prokurimit publik. Procedura është udhëhequr në pajtim me Ligjin për Prokurimin Publik Nr. 04 /L-042, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092, siç citohet në vazhdim "LPP" Tenderi juaj është vlerësuar me kujdes sipas kushteve dhe kërkesave të dhëna në njoftimin e kontratës dhe në dosjen e tenderit. Me keqardhje ju njoftojmë se jeni eliminuar për shkak të arsyeve në vijim:

Tenderi i juaj është administrativisht i papërgjegjshëm:

- Grupi I OE është i papërgjegjshëm pasi nuk ka bere vazhdimin e validitetit te ofertës dhe sigurimit sipas kërkesës se AK te datës 29.12.2025.

Nëse besoni se Autoriteti Kontraktues, gjatë procedurës së prokurimit publik, ka shkelur LPP apo rregullat e zbatueshme, ju keni të drejtë të parashtroni ankese pranë Autoritetit Kontraktues, në bazë të nenit 108/A të Ligjit Nr. 04/L-042 për Prokurimin Publik të Republikës së Kosovës, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092.

Edhe nëse nuk kemi qene në gjendje t'i përdorim shërbimet tuaja kësaj here, besojmë se do të vazhdoni të shfaqni interesim për nismat tona të ardhshme të prokurimit.

Me respekt,

1.Kundershtimi i argumenteve të AK:

Sa i përket arsyes së eliminimit të Grupit të Operatorëve Ekonomikë NBT-ING SH.P.K. & Agim Trolli B.I., përkatësisht konstatimit të Autoritetit Kontraktues se OE nuk ka bërë vazhdimin e validitetit të ofertës dhe sigurimit sipas kërkesës së AK të datës 29.12.2025, konsiderojmë se ky konstatim është i pabazuar si në aspektin juridik ashtu edhe në aspektin faktik.

Së pari, duhet theksuar se kjo procedurë është **kthyer në rivlerësim me vendim të Organit Shqyrtues të Prokurimit (OSHP)**, me ç'rast Autoriteti Kontraktues ka qenë i obliguar të bëjë një rivlerësim të plotë dhe objektiv të ofertave. Në këtë situatë, eliminimi i operatorit ekonomik vetëm mbi bazën e një elementi procedural të mëhershëm, pa një rivlerësim real të ofertës dhe pa marrë parasysh rrethanat aktuale të procedurës, nuk është në përputhje me qëllimin dhe efektin juridik të vendimit të OSHP.



5/4

Së dyti, Grupi i Operatorëve Ekonomikë **NBT-ING SH.P.K. & Agim Trolli B.I.** është i **gatshëm dhe në gjendje të bëjë vazhdimin e vlefshmërisë së ofertës dhe të sigurimit të ofertës sipas kohëzgjatjes së kërkuar nga Autoriteti Kontraktues**, dhe në kuadër të kësaj kërkesë për rishqyrtim do të paraqesë edhe vazhdimin përkatës të validitetit të ofertës dhe sigurimit. Kjo dëshmon qartë se oferta jonë mbetet valide dhe e garantuar sipas kërkesave të dosjes së tenderit.

Së treti, qëllimi i kërkesës për validitet të ofertës dhe sigurim nuk është eliminimi formal i operatorëve ekonomikë kur ata janë në gjendje të sigurojnë vazhdimin e tyre, por garantimi që oferta të mbetet e vlefshme gjatë procedurës së prokurimit. Në këtë rast, duke qenë se OE ka bërë dhe po paraqet vazhdimin e vlefshmërisë së ofertës dhe sigurimit sipas kërkesës së AK, **arsyeja e eliminimit nuk qëndron dhe si e tillë duhet të rishqyrtohet.**

Për këto arsye, konsiderojmë se eliminimi i Grupit të Operatorëve Ekonomikë **NBT-ING SH.P.K. & Agim Trolli B.I.** mbi këtë bazë është i pabazuar dhe kërkojmë që Autoriteti Kontraktues ta anulojë këtë konstatim dhe ta përfshijë ofertën tonë në një **rivlerësim të drejtë dhe të plotë të ofertave**, në përputhje me vendimin e OSHP dhe me dispozitat e Ligjit për Prokurimin Publik.

2. Argumenti i AK për dhënije të kontratës:

	Republika e Kosovës Republika Kosova - Republic of Kosovo Qeveria - Vlada - Government Ministria e Punëve të Brendshme Ministarstvo Unutrašnjih Poslova Ministry of Internal Affairs	
	Policia e Kosovës / Policia Kosova / Kosovo Police Drejtoria e Përgjithshme e Policisë / Generalna Policijska Direkcija / General Police Directorate	

B88 - NJOFTIM MBI VENDIMIN E AUTORITETIT KONTRAKTUES¹
 Sipas Nenet 43.7 dhe 44.2 të Rregullatave dhe Udhëzimit Operativ të Prokurimit Publik

Titulli i kontratës: NDERTIMI DHE RENOVIMI I STACIONIT POLICOR RAHOVEC RIVLERESIM

Nr. i prokurimit ²	214-25-6778-5-1-1
Nr. i brendshëm	214/25/092/511

Nr.	Operatorëve Ekonomikë pjesëmarrës	Vlera totale e ofertave	Vlera totale e Korrigjuar
1.	Grup i Operatorëve Ekonomikë NBT -ING SH.P.K.; Agim Trolli B.L.	485,546.40 €	490,546.40 €
2.	Grup i Operatorëve Ekonomikë N.T. „Fer-Petrolli; MBB Construction SH.P.K..	518,765.00 €	N/A
3.	NPN EUROING SH.P.K. XËRXË, RAHOVEC	646,152.60 €	644,352.60 €
4.	Grup i Operatorëve Ekonomikë 2A Group SH.P.K.; AXIOM ENGINEERING SH.P.K.	574,477.47 €	598,057.47 €
5	HARST Group SH.P.K.	650,779.40€	649,339.40€

Policia e Kosovës për këtë aktivitet të prokurimit, shpërblen me kontratë Grup i Operatorëve Ekonomikë N.T. „Fer-Petrolli; MBB Construction SH.P.K. me çmim në vlerë totale të ofertës prej 518,765.00 €

Data: 06/07/2026
 Emri dhe mbiemri i ZPP: Anita Felza

¹ Këtë firmatari i bashkëngjitet edhe letrat standarde të njoftimit: B42, B45 dhe B46 (oseksi letra njoftuese sipas nevojës).
² Të raportohet në këtë dokument apo ndërkohë në lidhje me aktivitetin e prokurimit.

B88 - NJOFTIM MBI VENDIMIN E AUTORITETIT KONTRAKTUES

2. Kundershtimi i argumentuar i vendimit të AK:

Sa i përket vendimit të Autoritetit Kontraktues për shpërblimin me kontratë të Grupit të Operatorëve Ekonomikë N.T. “Fer-Petrolli”; MBB Construction SH.P.K., konsiderojmë se ky vendim është në kundërshtim të drejtpërdrejtë me gjetjet dhe konstatimet e vetë Autoritetit Kontraktues të evidentuara gjatë procedurës së vlerësimit.

Nga dokumentacioni zyrtar i nxjerrë nga Autoriteti Kontraktues (letra standarde **B42 për tenderuesin e eliminuar**), rezulton se për të njëjtin Operator Ekonomik AK ka konstatuar se oferta e tij është **administrativisht e papërgjegjshme**, pasi që OE nuk ka arritur të dëshmojë përmbushjen e kërkesave të Dosjes së Tenderit në lidhje me përvojën e ngjashme. Konkretisht, sipas vetë gjetjeve të Autoritetit Kontraktues, operatori ekonomik nuk ka arritur të dëshmojë kontrata të përfunduara të natyrës së njëjtë në vlerën minimale të kërkuar sipas Dosjes së Tenderit.

Raporti i ekspertit shqyrtues, lidhur me ankesën e parashtruar nga OE “**"NBT -ING" SH.P.K.**”, lidhur me aktivitetin e prokurimit “**NDERTIMI DHE RENOVIMI I STACIONIT POLICOR RAHOVEC**” me numër të prokurimit: “**214-25-6778-5-1-1**”, të iniciuar nga Autoriteti Kontraktues (AK) – **POLICIA E KOSOVËS**

Në këtë dokument, vetë Autoriteti Kontraktues ka konstatuar se nga lista e kontratave të paraqitura janë pranuar vetëm kontrata në vlerë totale rreth **284,710 €**, që është dukshëm më e ulët se kërkesa minimale e përcaktuar në Dosjen e Tenderit prej **800,000 €**, duke

konstatuar qartë se OE nuk e plotëson këtë kriter të rëndësishëm të kapacitetit teknik dhe profesional.

Në këto rrethana, është juridikisht e pakuptueshme që i njëjti Operator Ekonomik, i cili sipas gjetjeve të vetë Autoritetit Kontraktues nuk përmbush kërkesat e Dosjes së Tenderit dhe është cilësuar si **administrativisht i papërgjegjshëm**, të rekomandohet për shpërblim me kontratë. Një veprim i tillë krijon një kundërtënie të qartë ndërmjet konstatimeve faktike të Autoritetit Kontraktues dhe vendimit përfundimtar për shpërblimin e kontratës, duke e bërë vendimin e fundit të pabazuar dhe juridikisht të paqëndrueshëm.

Për më tepër, edhe në aspektin ekonomik vendimi i Autoritetit Kontraktues është i pajustificuar. Oferta e Grupit të Operatorëve Ekonomikë **NBT-ING SH.P.K. & Agim Trolli B.I.** është dukshëm më e favorshme për Autoritetin Kontraktues, me vlerë prej **488,546.40 €**, ndërsa oferta e OE të rekomanduar për kontratë është në vlerë **518,765.00 €**, pra rreth **30,000 € më e lartë** se oferta jonë.

Në përputhje me parimet themelore të **Ligjit për Prokurimin Publik**, Autoriteti Kontraktues është i obliguar të sigurojë përdorimin sa më ekonomik dhe efikas të fondeve publike dhe të shpërblejë kontratën për ofertën ekonomikisht më të favorshme që përmbush të gjitha kërkesat e Dosjes së Tenderit.

Në këtë rast, përveç se oferta jonë është më e ulët dhe më ekonomike, Autoriteti Kontraktues vetë ka konstatuar se OE i rekomanduar nuk përmbush kriteret e kërkuara në Dosjen e Tenderit. Për rrjedhojë, vendimi për shpërblimin e kontratës jo vetëm që është ekonomikisht i pafavorshëm për Autoritetin Kontraktues, por është edhe juridikisht i pabazuar.

Për këto arsye, bazuar në gjetjet e vetë Autoritetit Kontraktues dhe në krahasimin objektiv të ofertave, konsiderojmë se vendimi për shpërblimin me kontratë të OE **N.T. “Fer-Petroll”**; **MBB Construction SH.P.K.** është marrë në kundërshtim me kërkesat e Dosjes së Tenderit dhe me parimet e Ligjit për Prokurimin Publik, dhe si i tillë duhet të **anullohet dhe të bëhet një rivlerësim i drejtë dhe i plotë i ofertave.**

Duke u bazuar në argumentet e paraqitura më sipër, konsiderojmë se vendimi i Autoritetit Kontraktues për shpërblimin me kontratë të Grupit të Operatorëve Ekonomikë **N.T. “Fer-Petroll”**; **MBB Construction SH.P.K.** është marrë në kundërshtim me gjetjet e vetë Autoritetit Kontraktues gjatë procesit të vlerësimit, si dhe në kundërshtim me parimet dhe

Nga dokumentacioni zyrtar i nxjerrë nga Autoriteti Kontraktues rezulton qartë se operatori ekonomik i rekomanduar nuk ka arritur të dëshmojë përmbushjen e kërkesave të Dosjes së Tenderit në lidhje me përvojën e ngjashme, ndërkohë që oferta e Grupit të Operatorëve Ekonomikë NBT-ING SH.P.K. & Agim Trolli B.I. është ekonomikisht më e favorshme dhe plotëson kërkesat e përcaktuara në Dosjen e Tenderit.

Në këto rrethana, vendimi për shpërblimin e kontratës nuk është në përputhje me parimet e transparencës, trajtimit të barabartë dhe përdorimit ekonomik të fondeve publike, të përcaktuara në Ligjin për Prokurimin Publik.

Prandaj, kërkojmë nga **Organi Shqyrtues i Prokurimit** që në kuadër të kompetencave të tij ligjore:

- të pranojë këtë ankesën si të bazuar,
- të anulojë vendimin për shpërblimin e kontratës, dhe
- të rivlersim të plotë të ofertave në përputhje me kërkesat e Dosjes së Tenderit dhe me dispozitat e Ligjit për Prokurimin Publik.

Në këtë aktivitet të prokurimit nuk është bërë ekzaminimi, vlerësimi dhe krahasimi i tenderëve në harmoni me nenin 59 të LPP-së, sepse oferta jonë është e përgjegjshme dhe i plotëson të gjitha kërkesat e FDT-së dhe të njoftimit për kontratë.

Duke u bazuar në të gjitha faktet dhe dëshmitë që u cekën më lartë, kërkojmë nga OSHP-ja që të merr:

V E N D I M


1. **APROVOHET**, si e bazuar ankesa e **NBT-ING SH.P.K. & AGIM TROLLI B.I.**
2. **ANULOHET**, njoftimi dhe vendimi i AK-së për dhënie të kontratës dhe lënda kthehet në **RIVLERËSIM**,
3. **DETYROHET** autoriteti kontraktues që gjatë rivlerësimit, ekzaminimi, vlerësimi dhe krahasimi i ofertave të bëhet në harmoni me kërkesat e dosjes së tenderit, njoftimit për kontratë dhe konform dispozitave të LPP-së.

KRITERET PËR VLERËSIM

<p>Kërkesat mbi mundësitë teknike dhe/ose profesionale</p>	<p>9.1 & 9.2</p>	<p>Kapaciteti teknik dhe profesional:</p> <p>Kerkesa 1 -Operatori ekonomik të ofrojë dëshmi se ka përfunduar me sukses kontrata të natyrës se njëjte apo të ngjashme gjatë 3 (tri) vitet e fundit (nga data e publikimit te njoftimit për kontrate) jo me pak se 800,000.00 € Ne rast te konsorciumit, së paku 60% e projekteve kërkohet për liderin e grupit.</p>	<p><i>Dëshmia e kërkuar dokumentare</i></p> <p>Dëshmi 1-Operatori Ekonomik duhet te ofroj listën e kontratave të nënshkruar dhe realizuara të natyrës se njëjte apo të ngjashme gjatë 3 (tri) vitet e fundit (nga data e publikimit te njoftimit për kontrate), të nënshkruar dhe vulosur nga Operatori Ekonomik, të dëshmuara me referenca ose raporte te përkohshme përfundimtare të pranimit teknik në kopje të nënshkruar dhe vulosur nga Autoritet përkatëse, për punët e realizuara dhe pranuar , te cilat duhet të tregojnë, numrin e prokurimit ose kontratës, vlerën e kontratës, datën e nënshkrimit të kontratës, natyrën e punës dhe vendin e realizimit të punëve. • Kur ndërtimi ose renovimi është bërë për një autoritet publik në Kosovës ose ne një vend tjetër (jashtë RKS), për dëshmi duhet te dorëzohen certifikata e pranimit ose referenca (ne referenca te jete e cekur vlera) te lëshuara nga</p>
			<p>autoriteti i tillë. • Kur ndërtimi ose Renovimi është bere për një blerës privat, duhet te dorëzohet certifikata e pranimit Për investitor privat kerkohet Certifikata e pranimit nga komuna, ndersa AK mund t'i verifikoj edhe transaksionet financiare. Vërejtje Asnjë kontrate nuk do te llogaritet nëse nuk është e bashkangjitur referenca pozitive për kryerjen e punëve ose raportet e pranimeve teknike përkohshme përfundimtar.</p>

RAPORTI I KOMISIONI VLERËSUES

--

	Republika e Kosovës Republika Kosova - Republic of Kosovo Qeveria - Vlada - Government Ministria e Punëve të Brendshme Ministarstvo Unutrašnjih Poslova Ministry of Internal Affairs	
	Policia e Kosovës / Policia Kosova / Kosovo Police Drejtoria e Përgjithshme e Policisë / Generalna Policijska Direkcija/General Police Directorate	

B58 - NJOFTIM MBI VENDIMIN E AUTORITETIT KONTRAKTUES¹
Sipas Nenit 43.7 dhe 44.2 të Rregullave dhe Udhëzuesit Operativ të Prokurimit Publik

Titulli i kontratës: NDERTIMI DHE RENOVIMI I STACIONIT POLICOR RAHOVEC RIVLERESIM

Nr. i prokurimit²	214-25-6778-5-1-1
Nr i brendshëm	214/25/092/511

Nr.	Operatorëve Ekonomik pjesëmarrës	Vlera totale e ofertave	Vlera totale e Korigjuar
1.	Grup i Operatorëve Ekonomik NBT -ING SH.P.K.; Agim Trolli B.I.	488,546.40 €	490,546.40 €
2.	Grup i Operatorëve Ekonomik N.T. „Fer-Petroll; MBB Construction SH.P.K..	518,765.00 €	N/A
3.	NPN EUROING SH.P.K. XËRXË, RAHOVEC	646,152.60 €	644,352.60 €
4.	Grup i Operatorëve Ekonomik 2A Group SH.P.K.; AXIOM ENGINEERING SH.P.K.	574,477.47 €	598,057.47 €
5	HARST Group SH.P.K.	650,779.40€	649,339.40€

Policia e Kosovës për këtë aktivitet të prokurimit, shpërblen me kontratë Grup i Operatorëve Ekonomik N.T. „Fer-Petroll; MBB Construction SH.P.K. me çmim në vlerë totale të ofertës prej 518,765.00 €

Data: 06/03/2026

Enri dhe mbiemri i ZPP: Artan Fejza



¹ Këtë formulari i bashkangjiten edhe letrat standarde të njoftimeve: B42, B45 dhe B46.(shtoni letra njoftuese sipas nevojës).
² Të raportohet në çdo dokument apo kërkesë në lidhje me aktivitetin e prokurimit.

B58 - NJOFTIM MBI VENDIMIN E AUTORITETIT KONTRAKTUES

INFORMACIONET SHITESË TË MARRA ME ANË TË SQARIME TË KËRKUARA NGA EKSPERTI SHQYRTUES/TEKNIK

n/a

VLERËSIMI SIPAS NENIT 4.1.26 TË LPP

n/a

VENDIMET E MËPARSHME TË OSHP LIDHUR ME RASTET E NGJASHME

Vendimi i mëparshëm i OSHP - së, më Nr. 2025/1200 i dt:16.02.2026.

ARSYETIMI PËR DEVIJIM NGA PRAKTIKA E MËPARSHME

n/a

PËRGJIGJE NË PRETENDIMET ANKIMORE TË OE ANKUES - "NBT -ING" SH.P.K.

Autoriteti Kontraktues Policia e Kosovës, gjatë këtij aktiviteti të prokurimit ka zbatuar procedurë të hapur, lloji i kontratës punë. Vlera e parashikuar 664,033.85 €. Kriteret e Dhënies së kontratës Tenderi i përgjegjshëm me **Çmimin më të ulët**.

Sqarim hyrës: Pretendimet ankimore kanë të bëjnë kundër njoftimit për dhënie të kontratës, konkretisht kundër ofertës së grupit të operatorëve ekonomik të rekomanduar për kontratë N.T.”Fer-Petroll; MBB Construction”shpk.

Kjo procedurë e prokurimit, më herët ka qenë objekt i shqyrtimit pranë OSHP-së për shkak se AK e kishte anuluar këtë procedurë të prokurimit, ndërsa tani OE fitues N.T. “Fer-Petroll; MBB Construction” Sh.p.k. kishte parashtruar ankesë kundër vendimit të AK për anulim të këtij aktiviteti të prokurimit. Pas pranimit të ankesës në OSHP, ishte trajtuar ankesa nga eksperti shqyrtues paraprak, i cili ka nxjerr raport të ekspertizës me Nr.2025/1200. Gjithashtu, Paneli Shqyrtues ka gjykuar me Vendimin nr.PSH.nr.2025/1200, të datës 16.02.2026, duke e aprovuar si të bazuar ankesën e OE tani të rekomanduar për kontratë N.T.”Fer-Petroll; MBB Construction” Sh.p.k., kurse ka anuluar njoftimin mbi vendimin e AK-së, dhe lëndën e ka

kthyer në rivlerësim.

Pas administrimit dhe shqyrtimit të shkresave të lëndës kundrejt pretendimeve ankimore, sqarojmë se operatori ekonomik ankues GOE “NBT-ING” shpk& Agim Trolli B.I.” pretendon se AK ka vepruar në kundërshtim me nenin 1, 6, 7, 59, 60, 61, 64, 66, 69 dhe 72 të LPP-së, si dhe nenin 25, 40, 41, 60 dhe 64 të Rregullores nr.001/2022 për Prokurim Publik, si dhe nenin 10 të Udhëzuesit Nr.001/2023 për Prokurim Publik. Pretendimet e ngritura ankimore nga ana e operatorit ekonomik ankues janë shqyrtuar nga ekspertja shqyrtuese duke u bazuar në shkresat e lëndës dhe jep përgjigjet si në vijim.

Pretendimi ankimor 1: Sipas B42 “Letrës standarde për tenderuesit e eliminuar” të datës 05.03.2026 OE ankues “NBT-ING” shpk & Agim Trolli B.I.”, është eliminuar me arsyetimin si vijon: *“Grupi i OE eshte i papërgjegjshëm pasi nuk ka bere vazhdimin e validitetit të ofertës dhe sigurimin sipas kërkesës së AK të datës 29.12.2025.”* OE ankues “NBT-ING” shpk& Agim Trolli B.I, e kundërshton eliminimin nga AK me arsyetimin se kjo procedurë është kthyer në rivlerësim me vendim të Organit Shqyrtues të Prokurimit (OSHP), me ç ‘rast Autoriteti Kontraktues ka qenë i obliguar të bëjë një rivlerësim të plotë dhe objektiv të ofertave. Në këtë situatë, eliminimi i operatorit ekonomik vetëm mbi bazën e një elementi procedural të mëhershëm, pa një rivlerësim real të ofertës dhe pa marrë parasysh rrethanat aktuale të procedurës, nuk është në përputhje me qëllimin dhe efektin juridik të vendimit të OSHP. Tutje, OE ankues pretendon se është i gatshëm dhe në gjendje të bëjë vazhdimin e vlefshmërisë së ofertës dhe të sigurimit të ofertës sipas kohëzgjatjes së kërkuar nga Autoriteti Kontraktues, dhe në kuadër të kësaj kërkesë për rishqyrtim do të paraqesë edhe vazhdimin përkatës të validitetit të ofertës dhe sigurimit. Kjo dëshmon qartë se oferta jonë mbetet valide dhe e garantuar sipas kërkesave të dosjes së tenderit. OE ankues shton se qëllimi i kërkesës për validitet të ofertës dhe sigurim nuk është eliminimi formal i operatorëve ekonomikë kur ata janë në gjendje të sigurojnë vazhdimin e tyre, por garantimi që oferta të mbetet e vlefshme gjatë procedurës së prokurimit. Në këtë rast, duke qenë se OE ka bërë dhe po paraqet vazhdimin e vlefshmërisë së ofertës dhe sigurimit sipas kërkesës së AK, arsyeja e eliminimit nuk qëndron dhe si e tillë duhet të rishqyrtohet.

Përgjigje në pretendimin ankimor 1: Bazuar në shkresat e lëndës, të cilat janë të ngarkuara në platformën e-prokurimit për këtë aktivitet të prokurimit, **ekspertja shqyrtuese** sqaron se AK me datë 29.12.2025, i'u është drejtuar operatorëve ekonomik me kërkesë për zgjatjen e validitetit të ofertave për periudhën prej 90 ditësh, si dhe zgjatjen e sigurimit të tenderit për 120 ditë nga data e skadimit të sigurimit të tenderit. Gjithashtu, AK ka kërkuar që konfirmimi për vazhdimin e vlefshmërisë dhe sigurimit të ofertës të dorëzohet përmes platformës elektronike brenda afatit, konkretisht deri më 31.12.2025, ora 16:00. **Ekspertja shqyrtuese** sqaron se bazuar në shkresat e lëndës në platformën e-elektronike të prokurimit, OE ankues “NBT-ING” shpk& Agim Trolli B.I.”, nuk i është përgjigjur kërkesës së AK-së, pra nuk ka dorëzuar konfirmimin për vazhdimin e validitetit të ofertës dhe sigurimin e tenderit brenda afatit të përcaktuar nga AK. Vlen të theksohet se për këtë aktivitet të prokurimit kanë marrë pjesë pesë (5) operatorë ekonomik, ku katër (4) prej tyre, duke e përfshirë edhe tani OE ankues, nuk i janë përgjigjur kërkesës së AK-së të datës 29.12.2025 për vazhdimin e validitetit të ofertës dhe sigurimin e tenderit. Si pasojë e mos përgjigjes së operatorëve ekonomik, AK i ka vlerësuar si oferta të “papërgjegjshme” konform nenit 30 paragrafi 6 të Rregullores nr. 001/2022 për Prokurim Publik.

Ekspertja shqyrtuese vlerëson se përderisa AK i është drejtuar operatorëve ekonomik me kërkesë për vazhdim të validitetit të ofertave dhe zgjatje të afatit të sigurimit të tenderit, ka përmbushur kërkesën ligjore ashtu siç është përcaktuar në Rregulloren nr. 001/2022 për Prokurim Publik, Neni 30, paragrafi 4, ku përcaktohet se AK do të kërkoj nga Operatorët Ekonomik të zgjasin validitetin e tenderëve të tyre. Për më tepër, neni 30, paragrafi 6 i kësaj Rregulloreje, përcakton se operatorët ekonomikë që refuzojnë ose nuk përgjigjen për zgjatjen e validitetit të ofertës, konsiderohen si “të papërgjegjshëm”. Duke u bazuar në dispozitat e cekura si më lartë, mos zgjatja e validitetit dhe sigurimit të tenderit nga operatorët ekonomik rezulton më refuzim nga procedura si ofertë e “papërgjegjshme”. Andaj, pretendimi ankimor është i pa bazuar.

Pretendimi ankimor 2: OE ankues “NBT-ING” shpk& Agim Trolli B.I.” pretendon se vendimi i AK-së, për shpërbllim me kontratë të GOE N.T. “Fer-Petroll; MBB Construction” Sh.p.k. është në kundërshtim me gjetjet dhe konstatimet e vet autoritetit kontraktues, pasi

oferta e tij është shpallur administrativisht e papërgjegjshme dhe për të njëjtin është konstatuar se nuk arrin të dëshmon përmbushjen e kërkesave të DT në lidhje me përvojën e ngjashme. Tutje, OE ankues potencon se është juridikisht e pakuptueshme që i njëjti Operator Ekonomik, i cili sipas gjetjeve të vet autoritetit kontraktues nuk përmbush kërkesat e dosjes së tenderit dhe është cilësuar si administrativisht i papërgjegjshëm, të rekomandohet për shpërblim me kontratë. Një veprim i tillë krijon një kundërthënie të qartë ndërmjet konstatimeve faktike të autoritetit kontraktues dhe vendimit përfundimtar për shpërblimin e kontratës, duke e bërë vendimin e fundit të pabazuar dhe juridikisht të paqëndrueshëm. Për më tepër, edhe në aspektin ekonomik vendimi i autoritetit kontraktues është i pajustificuar. Oferta e grupit të operatorëve ekonomik NBT-ING SH.P.K. & Agim Trolli B.I. është dukshëm më e favorshme për Autoritetin Kontraktues, me vlerë prej 488,546.40 €, ndërsa oferta e OE të rekomanduar për kontratë është në vlerë 518,765.00 €, pra rreth 30,000 € më e lartë se oferta jonë.

Përgjigje në pretendimin ankimor 2: Ekspertja shqyrtuese sqaron se për këtë procedurë të prokurimit është nxjerr një vendim me nr.PSH.nr.2025/1200, të datës 16.02.2026, ku është aprovuar si e bazuar ankesa e OE N.T. "Fer-Petroll; MBB Construction" Sh.p.k., është anuluar vendimi i AK-së për anulim të procedurës së prokurimit, si dhe lënda është kthyer në rivlerësim. Meqenëse ankesa ishte aprovuar si e bazuar, nënkuptohet që pretendimet ankimore të ankuesit, tani OE të rekomanduar për kontratë janë trajtuar si pretendime ankimore të bazuara, ku në mesin e pretendimeve ka qenë edhe çështja e përvojës së ngjashme të cilën e konteston OE ankues. Pas nxjerrjes së vendimit të OSHP-se, dhe kthimit të lëndës në rivlerësim, si dhe bazuar në shkresat e lëndës, konkretisht "Raporti i Vlerësimit te tenderve.pdf" të datës 06.03.2026 14:20 "oferta e GOE N.T."Fer-Petroll; MBB Construction" Sh.p.k., është shpallur ofertë e përgjegjshme dhe është rekomanduar për kontratë. Pra, për vlerësimin e **ekspertes shqyrtuese**, AK ka zbatuar vendimin PSH.nr.2025/1200, të datës 16.02.2026.

Sa i përket pikës ankimore të OE ankues që potencon se oferta e tyre është dukshëm më e favorshme për Autoritetin Kontraktues, me vlerë prej 488,546.40€, ndërsa oferta e OE të rekomanduar për kontratë është në vlerë 518,765.00 €, pra rreth 30,000 €, më e lartë se oferta jonë, **ekspertja shqyrtuese** vlerëson se përderisa OE ankues nuk ka bërë vazhdimin e

validitetit të ofertës dhe vazhdimin e sigurimit të tenderit, oferta e tyre refuzohet si e "papërgjegjshme" konform nenit 30.4 të Rregullores. Andaj, pretendimi ankimor është i pa bazuar.

Në mbështetje të asaj që u përshkrua si më lartë, rekomandoj që ankesa e OE ankues të refuzohet si e pa bazuar për arsyet e dhëna në përgjigjet ndaj pretendimeve ankimore. Andaj, rekomandimi ynë është që Autoriteti Kontraktues ta mbaj në fuqi njoftimin mbi vendimin e datës 06.03.2026.

REKOMANDIMI I EKSPERTIT SHQYRTUES

Duke u bazuar në sqarimet e lartpërmendura, eksperti shqyrtues i propozon panelit shqyrtues që ankesa e OE ankues refuzohet si e pabazuar dhe të mbetet në fuqi vendimi i AK.

Raporti i ekspertit shqyrtues, lidhur me ankesën e parashtruar nga OE “NBT -ING” SH.P.K., lidhur me aktivitetin e prokurimit “NDERTIMI DHE RENOVIMI I STACIONIT POLICOR RAHOVEC” me numër të prokurimit: “214-25-6778-5-1-1, të iniciuar nga Autoriteti Kontraktues (AK) – POLICIA E KOSOVËS

Raporti i ekspertizës ti dorëzohet:

- Autoritetit Kontraktues – **POLICIA E KOSOVËS**
- Panelit Shqyrtues – OSHP
- OE ankues – **"NBT -ING" SH.P.K.**



Majlinda Bedrolli